

Exercicios de apoio. Impress.

- 1) Crea unha nova presentación e cando chegues a 2ª ventá do asistente de presentacións proba todos os fondos para presentacións da lista. Poderás ver na pequena ventá de previsualización da dereita como é cada un deles. Elixe un deles, e crea a presentación.**
- 2) Cando apareza a 1ª dispositiva (en branco) no área de traballo, engádelle unha imaxe e axusta o seu tamaño para que ocupe gran parte da diapositiva, e realiza os seguintes exercicios.**
 - a. Proba 10 efectos de entrada para a imaxe. Elixe finalmente un deles e crea o efecto co valor en Iniciar “Cando Prema”.
 - b. Proba 5 efectos de Énfase. Elixe tamén un, e crea o efecto co valor en Iniciar de “Após o anterior” cun tempo de 2 segundos.
 - c. Proba 5 efectos de Camiño de movemento. Elixe un e crea o efecto cun valor en Iniciar de “Após o anterior” cun tempo de 2 segundos”
 - d. Unha vez engadidos estes 3 efectos á imaxe, inicia a presentación e comproba que se van producindo segundo esperabas.

NOTA: Solucionario na seguinte páxina

Solucións aos exercicios de apoio:

Exercicio nº 1:

- a) Entramos no Impress. Na primeira ventá do asistente de presentación pulsamos o botón seguinte. Xa estamos na segunda ventá.
- b) Vemos a lista de fondos de presentación. Se trata de probar todos os valores desta lista. Para isto, non hai mais que ir facendo clic en cada un deles, e cada vez que o facemos xa vemos na pequena ventá de previsualización da dereita o seu deseño.
- c) Unha vez vistos todos os posibles fondos, eliximos un (lembremos que é o que van ter, en principio, todas las diapositivas) e pulsamos o botón Crear.

Exercicio nº 2:

- a) Xa temos a primeira diapositiva no área de traballo. Inserimos unha imaxe con un dos tres métodos que coñecemos. Desde un ficheiro, desde un escáner ou copiándoa e pegándoa desde outro programa (por ex. desde internet).
- b) Axustamos o tamaño da imaxe cos cadriños verdes ata que ocupe unha grande parte da diapositiva.
- c) Imos a barra de tarefas e collemos a solapa animación personalizada
- d) Pulsamos o botón Engadir
- e) Vemos que aparecen os efectos do grupo Entrada. Probamos 10 destes efectos da lista que aparece. Facendo clic en cada un, vemos que na imaxe da diapositiva nos amosa o efecto elixido (pero non confirmado), cada vez que eliximos un, podemos cambiar a velocidade na lista de abaixo (Moi lento, Lento, Medio, Rápido, Moi rápido).
- f) Despois de probar uns 10, collemos o que desexamos coa velocidade elixida e pulsamos o botón Aceptar (con isto confirmamos o efecto).
- g) Fixámonos que a lista iniciar teña o valor “Cando Prema”.
- h) Vemos que o efecto elixido aparece na lista de efectos da pequena ventá que se atopa debaixo da lista velocidade.
- i) Repetimos os pasos d ata i para os outros dous efectos.
- j) Ter en conta que despois de engadir, hai que elixir a solapa Énfase para o segundo efecto e Camiños de movemento para o terceiro, e probar en cada caso 5 dos seus efectos ata elixir un. É importante que elixamos na lista Iniciar o valor “Após do anterior”, e nas súas propiedades o tempo de 2 segundos.